

Nipilersortartut nipilersornikkut isertitaat B-tut nalunaarsorsinnaangortinnissaat pillugu, A-tulluunniit akileraartussatut nipilersortitsisumiit akissarsitinneqartarlutik toqqagassinneqarsinnaangornissaannut periarfissat pillugit Naalackersuisut misissoqqullugit Inatsisartut aalajangiiffigisassaattut siunnersuut. Inatsisitigut suut allangortinneqassanersut misissuinerup qulaajassavai, qanorlu taamatut aaqqissuussinikkut allaffissornikkut aningaasatigullu kingunerissanerai takutinneqassallutik. Misissuinnerup inernera Inatsisartunut agguanneqassaaq kingusinnerpaamik UPA2023
(Inatsisartunut ilaasortaq Aqqalu C. Jerimiassen, Atassut)

Akissuteqaat

(Aningaasaqarnermut Naligiissitaanermullu Naalackersuisoq)

Aappassaaneerinnineq

Aallaqqaasiullugu Naalackersuisut sinnerlugit Aningaasaqarnermut Akileraartarnermullu Ataatsimiititaliap sukumiisumik isumaliutissiisutaanut qutsavigerusuppara.

Naalackersuisut taamatut oqaaseqarlutik ataatsimiititaliap isumaliutissiisummi innersuussutigisaat taperserpaat.